

永樂大典卷之一萬一百十六

二紙

旨

樞密都副承旨

文獻通考五代有承旨副承旨以諸衛將軍充魏仁浦為樞密副承旨周祖問也兵

之數及將校名氏今取簿參視之仁浦曰臣患能記之遂口占以對無一

差誤宋太平興國中以楊守一充都承旨都承旨自守一始也是時都承

旨副承旨多用士人真宗後稍稍遂用吏人歐陽脩建言請復舊制不充

行熙寧二年始以東上閤門使李評為樞密都承旨李綬為之副不用院

吏而更用士人自評始也續會要初評受命文潞公為樞使以舊制見不

為禮評訴於上命檢故事不獲乃詔都承旨副承旨見樞密使副並如閤

門使禮熙寧五年以尚書屯部員外郎集賢校理同修起居注曹孝寬為

起居舍人充史館修撰兼都承旨先是或用士人亦止於右職中選用文

館兼領自孝寬始也元豐三年用張詠一為客省使都承旨自是都承復

用武臣元祐中復以文臣帶待制充都承旨世宗咸平為至崇寧以後則

專用武臣矣。四朝志紹興二年權禮部侍郎趙子宣充徽猷閣待制兼院都承旨。自改官制後除文臣自子宣始。中興系年錄建炎四年高宗在會稽以武臣辛道高為都承旨頗用事。紹興元年十二月辛宗道既免乃詔依元祐職制置都承旨一員並差兩制為之。然但闕一二人而已。淳熙中王杓久用事孝宗惡焉遂復用士人宋會要五代樞密有承旨以諸衛將軍充國朝始有樞密都承旨副承旨又別置諸房副承旨也。宋史百官志副都承旨掌承宣旨命通領院務若便殿侍立閱試禁衛兵校則隨事敷奏承所得旨以授有司蕃國入見亦如之檢察主事以下功過及遷補之事。都承旨舊用院吏逸遷熙寧三年始以東上閤門使李評為之又以皇城使李綬為之副更用士人自評綬始是月詔都承旨見樞密使副如閤門使禮五年以同脩起居注曾孝寬兼都承旨參用儒臣自孝寬始元豐四年客省使張誠一為都承旨復用武臣自誠一始元祐初復以文臣為都承旨其後以待制充元符三年王師約為都承旨左司諫陳瓘言神考以文臣為都承旨其副則參求外戚武臣之可用者今師約未歷邊任擢置樞屬據文臣之位甚非神考設官之意至崇寧以後專用武臣建炎四年高宗在會稽以武臣辛道宗為都承旨頗用事紹興元年道宗既免乃

詔依元祐職制都承旨以兩制為之如未曾任侍從之人即依權侍郎法又或加學士侍制修撰貼職乾道初再用武臣自張說始淳熙九年都承旨復用士人自蕭燧始副都承旨文武通除樞密副承旨一員帶御器械四員承旨選橫行充與從官都承旨同侍殿中分傳密旨為武臣之清要御帶分直禁庭內宿直舍在崇政殿門內職居嚴邃多任國戚及內侍兩省押班亦兼領或有邊功優異間除外官就領兵職於三路為武臣之榮遇也元豐改官制後常用武臣張本一為承旨自後都承旨間用武臣

云宋胡寅斐然集郭執中樞密都承旨制朕以世讎未復軍政是脩既

任大臣分典內樞之地乃選良士入參宥密之職伴義務之與聞實嘉謀之有賴久虛厥位必惟其人其官其氣果而才通識明而論辨蚤周旋於

塞上更事已多晚諮議於軍中臨機輒應挺忠誠而自竭當勤勩而罔辭

其次對於西清以近承於中旨尚詢黃髮勿云旅力之愆蓋整丹心思佐

戎永之烈鄭獬郎漢集樞密承旨左監門衛將軍任承睿可樞密都承旨

制朕舉天下之機事統之西府而諸曹就列必有屬長以奉予旨命以

汝持身蒞職稱為廉敏殆歷三朝至于耆艾閱其勞舊宜有以序遷衆寵之澤爾其祇服無怠可汪藻淳熙集樞密院主事王露可兵房副承旨制

爾以材能服勞樞省考其閥閱當以次遷往懋厥官無忘報稱曾文清公文集范純禮復天章閣侍制樞密都承旨制樞密之地選用士人宣納密命自神考始肆子纂服收拔端良實諸左右蓋遵先志其官范純禮夷考有守篤實無華恂恂自持言行相顧失職茲久秉心不移起分州符未厭輿議其選延閣侍從之選來贊右府討謨之微副予咨求均爾忠益著齋微垣類藁試尚書戶部侍郎兼總領湖廣江西京西財賦湖北京西軍馬錢糧岳珂特授寶謨閣直學士樞密都承旨制粵惟言語侍從之臣久勞于外欲備錢穀甲兵之問式逸其歸肆庸嚴直於窮班而使親承於密命用頒明時庸示殊恩具官某學博而該詞麗以則逢逢惟梓蔚其祖幹之枝蒙衆者華滑矣孫芸之葉自世選爾勞而昭獎皆官修其業以靖恭江淮財賦之淵作十三載荆楚衿喉之地餉百萬師刃游於批大郤之餘器別於遏盤根之際權以還清之秘職位諸宣納之要司召不俟駕而行趣承東注賢不待次而舉嗣聽登崇樞密院檢詳諸房公事兼權右司郎中趙崇質特授軍器監兼樞密副都承旨予方注意於內修外攘故內以宥地之務為先外以武庫之備為急必惟其人乃共二事爾為帝宗駒廛而不劇明而不察用使為東西府掾彌綸省務科瑣造條動通

機宜號稱周密肆庸命典我監導旨樞庭爾其討軍實而申敝之以輔予
修攘之政往祇譽命益務竭烝周麟之陵集陳正同除數文閣待制樞密
院都承旨右府本兵之地惟長貳總秉諸事為朕腹心若時屬僚寄安
咸重承承密命必用從臣關而不除十數年于茲矣朕今得世濟之彥拔
異才而用之具官某直亮多聞得於家學持論据正亦克似之賜環來歸
既陟汝于禁路兼寓獎省罔不惟職業之思朕方彙弓戢戈以常德立武
事如爾明睿允宜在廷內閣陞華鴻樞稟務併以授汝往其欽哉劉復村
集陳鑄除祕閣修撰樞密副都承旨制自改官制以來導旨官不必備
顧今甲兵之問猶至廟堂科瑣日不暇給然則都副並置亦集思廣益之
義爾明而恕故論主正平介而通故事無凝滯歷仕東西二府與聞軍國
大議親密於州平幼宰攝綸之義弘矣索虜垂盡侵疆來歸朕欲及閑暇
之時講修攘之政爾雖已列九卿其以論撰亞太尉掾蓋時惟侍立可咨
訪迨機惟同堂合席可籌度也方將引爾自近繼有殊擢可洪文安公集
右武大夫成州團練使康虞衡除樞密副都承旨制樞庭分屬副承密
命武者之高選也朕未嘗輕以授人曠位不除蓋十餘年今始得之其官
某氣略自將濟之以敏四臨遠郡習知邊瑣而安靖之政達於朕聽茲命

爾入侍殿陛與聞典徵往惟兢竊以稱所蒙許應龍東潤集趙以夫除直
煥章閣樞密副都承旨右府本兵之地事機貴重宣納之任要在得人
以爾才周世用望重宗英使節州麾所至可紀郎省卿寺無施不宣况存
更宰掾之司尤善贊廟謨之運陞華遠閣導首樞庭益究遠猶以需顯用
周南仲山房集太府卿樞密副都承旨制朕惟右府之屬莫如丞命之
親以次對而贊訏謨。豈惟舊制用列卿而為副介。未有前聞。屬國人以得
功固難拘於常比。爾才能鮮儼懷慨自將護漕日畿已登最課尹民天府
綽有能聲。偉兵畧之深知方軍書之旁午爰躋榮於農扈。俾稟務於幾廷
夫帝王之道出於萬全。毫釐之差謬以千里。其協承於幾急必審當於事
情服我優恩。嗣有明陟元豐懷過集四方館使康州刺史曹誦可休前官
充樞密副都承旨制勅陟降軒渾奉承密命。屬在幾政資維親臣具官
某夙以材能致于休顯試之服采。符有聲稱。願疇厥宜。無易茲選。惟純惟
懿。時則汝嘉可慕容參達儒文堂集四方館使榮州刺史樞密副都承旨
朱孝孫可正任防禦使休前樞密都承旨勅朕明發不寐有懷。哲宗推
原同氣之恩。申錫外家之寵。其官某操脩端靜。識慮詳明。欽成之親。爾為
近屬宜加進權。俾領使華正兵防之顯名。仍樞筦之舊職。與承密命。秩峻

地親惟時褒榮往其祗服可賈德明任承睿可都承旨制勅具官某等樞宥之府所承稟而宣行者皆禁密之命必求謹厚之材乃可備於陪屬以爾等有恪愿之資加肅給之敏麗名機務實唯勞舊按其資歷擢總綱領勉思勤畫尚副褒寵蘇魏公集樞密院兵房主事李景先可吏房副承旨勅具官某宥密之嚴地均公府丞史之任職專吏門雖曰次遷尤為選擇以爾首公勤辦在事謹廉嘉積久於勤勞當進聯於曹務益宜欽慎思對恩榮可蔡端明集張繼渥承旨勅某人蚤以材敏屬麗樞庭積延歲月之勞益敦夙夜之恪進承旨命特示寵榮祇荷恩遷愈整誠志劉元城盡言藁謝寶文閣待制樞密都承旨表臣某言伏奉告命授臣寶文閣待制樞密都承旨仍改賜章服者參斗極之要聯加奎文之秘職仍紆命服入侍彤墀并荷恩榮靡容遜避臣其中謝切以鴻樞設屬奉密旨以致嚴明主慎微擇士人而竝用兼綜疆圉之務輿聞惟懼之譟宜得時髦共經常武伏念臣稟資固陋涉世迂踈親達景運之興獲躋衆賢之後雖書麟閣初蒙二聖之知掌諫鸞臺旋站七人之列誓殫愚直罔恤怨仇慙無補采之功俄有負薪之疾方圖致位復俾代言摧躋清切之班是為殊渥自視某蕪之學安可冒屠刀馬真祠幸蒙俞旨宜謂歷時之未久

遽聆誤寵之存如既累貢於忱辭敢再叨於成命已哉奏請必踐前言恩
 被制函易寘樞筦雖需章之臺上終渙汗之莫回詎勉奉承承居蛇長伏
 遇太皇太后皇帝陛下兼收片善固任群材伶臣昔困沉疴而今則已瘳
 警臣昔避詞掖而今則難受未踰旬浹繼忝詔除臣敢不益勵操修慎思
 職業消埃自効少逃尸祿之譏本末不渝期盡立朝之節臣無任鄭剛中
 北山集謝除寶文閣直學士樞密都承旨表久玷清曹宜招大度遷移
 要地仍冠華資識睿獎之優隆撫微躬而震越中謝竊以國有二柄古列
 鴻樞事分五房均承上制爰自熙寧而後始參用於士人故茲承旨之員
 或旁兼於史館誠以斗極執化元之本機廷為宥器之親拱侍天墀躬聆
 帝訓宜求洵直克用稟承而況西清寶棟之崇實仁廟宸章所秘服是選
 嚴之職並為儒雅之流無以授人誰宜蒙者伏念臣性資愚下學藝淺蕘
 觸事多艱漸覺桑榆之向慕戴恩甚重常如山嶽之在巔念從召用而來
 誤被睠知之寵超騰省戶擢副臺端觀祕書者頃嘗一年奉典禮者今亦
 踰歲率無善狀可裨師言荐拜鴻私惟知感涕此蓋伏遇皇帝陛下照臨
 如日覆冒法天獨運乾剛德六師而並用大修機政開二府以兼收圖回
 不世之功盡革累年之弊茲所選任宜先俊良夫何庸瑣之才亦在訪咨

之數臣不周旋體國恪檢持身雖懼疎愚無補樞機之密警磨頑頓少酬造
化之功臣無任 辭免寶文閣直學士樞密都承旨劉子 五月八日准
尚書省劉子三劄同奉聖旨除臣寶文閣直學士樞密都承旨聞命震驚罔
知所措臣切以侍郎分曹治事其選高矣而茲承上旨者其職為尤重階官
辨秩為等品已貴矣而陞華內閣者其資為甚崇兼以付之則朝廷委用之
意蓋自可見而臣稟資驚下賦性愚蒙怙恃已無雖有一意事君之願而筋
力向暮實懷十駕難及之憂冒昧以居愆尤將至伏望聖慈收還成命別付
時望外榜師言下安愚分臣無任惶恐激切懇祈之至謹錄奏聞伏候勅旨
劉元城盡言彙論范育除樞密都承旨不當狀 右臣竊聞朝廷除范育為
樞密都承旨按育昨知河中嘗有缺行嬖人預事干撓刑政子弟失教閨門
不肅醜聲顯著流聞道路君臣之間不可言者使育實負過人之才義難終
廢猶當抑之散地更加歲月磨去瑕垢漸次任用或為公議所容今育之學
術智能無以異眾而前日之惡播在無言比方外除已玷卿列曾未席煖權
實宥密臣恐修潔之士壯與比肩流蕩之徒無所懲戒甚非所以稱陛下旌
別淑慝長育人材之意伏望聖慈深賜省察罷育新命以元公議 辭寶文
閣待制樞密都承旨狀 右臣今月初六日准閣門告報伏蒙聖恩除臣寶

文閣待制樞密都承旨仍賜紫金魚袋者蔣庸嘉惠尤切震驚伏念臣近被寵靈進直西掖方茲避兇未奉俞旨重忝詔除陞華延閣俾承密旨仍賜服章恩數便蕃職事清近願臣愚陋何以克堪伏望聖慈洞鑒由來之言特報行己之命庶安私分不累公朝再辭樞密都承旨狀右臣近嘗具奏乞寢恩命准尚書省劄子奉聖旨不許辭免者才微任重私分難安効薄食浮公言可畏實欲量能而受職非敢苟異以沽名無臣有異與同知樞密院韓公忠彥之女頃從幼穉嘗約婚姻雖未行聘問之儀恐亦涉妨嫌之迹輒傾至懇再瀆天聰願收渙汗之恩垂許循牆之避回謝除樞密都承旨啓

右某啓近奉誤恩俾承密旨辭不獲免受以為漸敢圖雅眷之隆達辱華賤之既褒稱溢美期待過情感愧兼深名言苟諭董霜傑先生集代謝辛承旨啓

吳門假道嘗奉懇懇之歡臨汝分符獲仲故舊之好未修誠於記室先惠問於征途不敢懷漸拜嘉知感恭惟某官才兼文武世有勲勞每暗合於孫吳安得聲於梁楚當敵示縱擒之妙籌算無遺賦詩有競病之工風流可尚行復雲中之字益擲堂上之奇願惟無似之蹤尚冀包荒之賜即諧良覲預慰渴懷劉公是先生集永興到任謝宋承旨啓

右某啓肅將命書臨署吏牘兢足空疎之質寄以會繁之區方地數千連城累百內修民社

之政外摠兵戎之機，便事為經營，分表力非其任。智不追心，此蓋某官雅懷并容，餘論推假，不遺三益之素，使就一麾之安，願恐非才終無云補。異因德輝之及，猶有暮月之成，方阻披瞻，曷勝銘向。元陳剛中詩永音樂山唐公八月十二日宴于其第，以詩奉呈。聖代開皇極，恩波雨露沾。萬生萬物依載叶，渭川占社稷千齡會。永冠五福兼，朱紱新律呂。黃石舊韜鈴，德望三朝眷。儀刑四海瞻，構詞追賈馬。勵學探羲文，宇宙歸青眼。風雲奮紫髯，議如唐陸贄。詩似晉陶潛，踐履剛而毅。精神智以怕，一區楊子宅。萬軸鄴侯藏，山色秋凝壁。煙光畫捲簾，金鑾辭東燭。王鉉侍調鹽，大匠規模遠。宗工號令嚴，王臣躬蹇蹇。君子德謙謙，此日鳴朝鳳。清秋近夜蟾，瑤簪環杖屨。寶墨出紺繡，北海賓長滿。東山妓未厭，車聲聞勝戶。花影舞朱簷，樂幸連靈運。憂當後仲淹，願施經濟具。天下待鉞砭，承旨野莊董。公殊勲清節，學問之縉紳。紀以八詩，盟府旂常榮世勲。一門忠孝氣凌雲，永冠盛事誰堪比。漢後元間萬石君，鐵馬長驅棧路高。捷旗飛渡大江濤，漢南煙柳蓬婆雪。猶識園花舊戰袍，龍從破大理雲南已飛渡。為先鋒首奏捷功，手分恩露活惛嫠。春滿棠陰大有光，二十年間如昨日。兒童猶誦衛州碑，為衛州總管有惠政。郡人刻石誦德，正色篤行第一人。危言

耿耿聳朝神。忠州不負平生學。曾為皇家去佞臣。虞世榮將改法公正色
折之語。送墨黑。勇冠我栢署陰。誰知偃月當機深。九重亮舜明如日。獨照
生來鐵石心。鄭公已拜大司農。修俸調林詔墨濃。自是玉皇香案吏。仙
班合領六鰲峯。不負朝廷七十年。樓臺無地榻蕭然。清名當與溫公並。
只欠河南二頃田。萬卷青燈味道腴。苦心欲探魯鄒餘。朝回立馬天衢
上。又典春衣買異書。求蔡耕浩歌集。念奴嬌詞。寄仙巖。平承旨。碧梧轉
影。正露冷天高涼。生襟袖。此夕清輝誰信道。夜色居然如畫。王斧重脩寶
奩初啓。萬里寒光透。將軍高會翠鬟爭。勸樽酒。遙想地近仙丘。碧山高
處。引手攀星斗。醉屬姮娥。惟但願月與佳人長久。羅覆
銀鞍。兩拋金甲。贏得詩千首。掀髯一笑。此懷人解知否。
殿前承旨
蘇易簡翰林志舊官名殿前承旨。武臣下列之稱。及蘇易
簡拜學士承旨。太宗以稱混雜。改殿前承旨為三班借職。
南廊承
旨
馬明叟寶錄五代江南林仁肇建陽人。兄
仁翰為福州王延義內兒。謂之南廊承旨。
臨濟宗旨
僧
傳洪覺範曰。汾陽昭禪師示衆曰。先聖云。一句語須具三玄。一玄中須具
三要。阿那箇是三玄三要底句。快會。好各自思量。還得穩當也。未。古德

已前行脚聞一箇因緣未明中間直下飲食無味睡卧不安火急決擇豈將為小事所以大覺老人為一大事因緣出現於世想計他從上來行脚不為遊山說水看州府奢華片衣口食皆為聖心未通所以驅馳行脚決擇深奧傳唱教揚傳問先知親近高德蓋為續沸心燈紹隆祖代興崇聖種接引後機自利利他不忘先迹如今還有商量者麼有即出來大家商量僧問如何是接初機底句答曰汝是行脚僧又問如何是辨衲僧底句答曰西方日出卯又問如何是正令行底句答曰千里持來呈舊面又問如何是立乾坤底句答曰北俱盧州長縷米食者無嗔亦無喜師曰只將此四轉語驗天下衲僧纔見汝出來驗得了也僧問如何是學人着力處答曰嘉州打大像問如何是學人轉身處答曰陝府灌鐵牛問如何是學人親切處答曰西河弄師子師曰若人會此三句已辨三玄更有三要語在切須薦取不是等閑與大眾頌出曰三玄三要事難分得意忘言道易親一句明明談萬象重陽九日菊花新還會麼恁麼會得不是性躁衲僧作麼生會好又舉三玄語曰汝還會三玄底時節麼直須會取古人意旨然後自心明去便得通變自在受用無窮喚作自受用身佛不從他教便識得自家活計所以南泉曰王老師十八上解作活計僧便問古人十八

上解作活計。未審作箇什麼活計。答曰。兩隻水牯牛。雙角無欄。棧復云。若要於此明得。去直須得三玄旨趣。始得受用無礙。自家慶快。以暢平生。大丈夫漢。莫教自孤。觸事不通。彼無利濟。與汝一切。頌出曰。第一玄。法界廣無邊。森羅及萬衆。總在鏡中圓。第二玄。釋尊問阿難。多聞隨事答。應器量方圓。第三玄。直出古皇前。四句百非外。問氏問豐干。師乃曰。者箇是三玄底。頌作麼生。是三玄底旨趣。直教決擇分明。莫只與麼望空東。妄解道我。曾親近和尚來。與我說了脫空漫語。誰嚇他人。喫鐵棒有曰。莫言不道。又因採菊。謂衆曰。金華布地。玉蕊承天。杲日當空。乾坤朗耀。雲騰致雨。露結為霜。不傷物義。道將一句來。還有道德底麼。若道不得。眼中。有屑直須出。却始得。所以風穴云。若立一塵。家國盛。野老輦感。不立一塵。家國喪。亡野老安貼於此。明得。闍梨無分。全是老僧。於此不明。老僧即是闍梨。闍梨與老僧亦能悟却。天下人亦能悟却。天下人。要知老僧與闍梨麼。俯其膝曰。者裏是闍梨者。裏是老僧。且問諸上座。老僧與闍梨是同是別。若道是同。去上座自上座。老僧自老僧。若道是別。去又道老僧即是闍梨。若能於此明得。去一句中。有三玄三要。賓主歷然。平生事辦。參尋事畢。所以永嘉曰。粉骨碎身未足酬。一句了然超百億。又曰。臨濟兩堂首座。一日相見。齊下。

喝。僧臨濟還有賓主也。無。答曰。賓主歷然。師作偈曰。兩堂首座總作家。其中道理有分拏。賓主歷然明似鏡。宗師爲點眼中花。無盡居士謂余曰。汾陽臨濟五世之嫡孫。天下學者宗仰。觀其提綱渠渠。唯論三玄三要。今其法派皆以謂三玄三要。一期建立之語。無益於道。但於諸法不生異見。一切平常。即是祖意。其說是否。余曰。居士聞其說。曉然了解。寧復疑汾陽提綱乎。曰。吾固疑而未決也。余曰。此其三玄三要之所以說也。所言一句中具三玄。一玄中具三要。有玄有要者。一切衆生。熱惱海中。清涼寂滅。法幢也。此幢之建。譬如塗毒之鼓。槌之則聞者皆死。唯遠聞者後死。若不橫死者。雖聞不死。臨濟無恙時。與化三聖。保壽定上座。輩聞而死者。今百餘年。猶有悟其旨者。即後死者也。而諸法派謂無益於道者。即不橫死者也。祖宗門風。壁立萬仞。而子孫畏之。喜行平易。坦塗此所謂法道陵夷也。譬如衣冠稱孔孟弟子。而毀易繫辭。三尺童子笑之。臨濟但曰。一句中具三玄。一玄中具三要。有玄有要而已。初未嘗目爲句中玄。意中玄。體中玄也。古塔主者。誤認玄沙三句。爲三玄。故但分三玄。而遺落三要。叢林安之。不以爲非。爲可太息。玄沙曰。眞常流注。爲平等法。但是以言道。言以理逐。理謂之明。前不明。後益分證。法身之量。未有出格之句。死在句下。若知出格之

量則不被心魔所使入到手中便轉換落落地言道大道不坐平常之見此第一句也古謂之句中玄回機轉位生殺自在縱奪隨宜出生入死廣利一切通脫色欲愛見之境此第二句也古謂之意中玄明陰洞陽廓周沙界一真體性大用現前應化無方全用全不用全生全不生方便喚作慈定之門此第三句也古謂之體中玄浮山遠公亦曰意中玄非意識之意古不足道速亦迷倒余不可以不辨無盡領之又曰吾頃見謝師直稱吳僧蘭程者有大知見親見慈明蓋是真點霄陽岐道吾之流亞接人多舉汾陽十智同真願遂聞其說余曰十智同真與三玄三要同一關捩汾陽曰夫說法者須具十智同真若不具十智同真邪正不辨繼業不分不能與人天為眼目決斷是非如鳥飛空而折翼如箭射的而斷弦弦斷故射的不中翼折故空不可飛弦壯翼牢空的俱徹作麼生是十智同真與諸上座點出一同一贊二同大事三總同參四同真智五同徧普六同具足七同得失八同生殺九同音吼十同得入又云與什麼人同得入與誰同音吼作麼生是同生殺什麼物同得失何那箇同具足是什麼同徧普何人同真智孰能總同參那箇同大事何物同一贊有點得出底麼點得出者不悟慈悲點不出者未有參學眼在切須辨取要識是非面目見在

今此法門叢林怕怖不欲聞其名何以言之諸方但愛平實見解親之不移唯欲傳授不信有悟借使汾陽復生親為剖析亦以為非昔阿難在經行聞童子誦佛偈曰若人生百歲不善水潦鵲木若生一日而得決了之阿難就教之曰不善諸佛機非水潦鵲也童子歸白其師師笑曰阿難老昏矣當以我語為是於今學者之前語三玄十智旨趣何以異此於是無盡嗟咨曰然其旨趣豈無方便余作偈曰十智同真面目全於中一智是根源若人欲見汾陽老孽破三玄作兩邊又問四種賓主亦臨濟建立法門乎余曰三世如來諸代祖師顯出凡聖情見之疆域非止臨濟用之如龍山本見馬祖洞山价禪師初遊方與密師伯者偕行經長沙龍山之下見溪流茶葉价回瞻茶樹深秀謂密曰箇中必有隱者乃並溪而進十許里有老僧庵甚以手加額呼曰此間無路汝輩何自而至此价曰無路且直菴主自何而入曰我不曾雲水价曰菴主住山幾許時曰春秋不涉价曰菴主先住耶此山先住耶曰不知价曰為何什麼不知曰我不曾人天來价曰得何道理便命住山曰我見泥牛闌入海直至而今無消息价即班家之下而拜之問如何是主中賓曰青山覆白雲又問如何是主中主曰長年不出戶又問主賓相去幾何曰長江水上波又問賓主相見有何言說